

LEVEL

2

Kristohanong Pagkinabuhi

Pasalamat	3
Pasiuna: Pagsugod sa Bag-ong Kinabuhì	5
Pahinumdam	7
Lesson 1: Pagseguro sa Kaluwasan	9
Lesson 2: Pagsukol sa Tentasyon	13
Lesson 3: Ang iglesia, Imong Bag-ong Pamilya	17
Lesson 4: Ang Dios	21
Lesson 5: Pag-ampo ug Pagpuasa	25
Lesson 6: Pagdayeg ug Pagsimba	29
Lesson 7: Ang Akong Pastor ug mga Lider	33
Lesson 8: Pagkabalaan: Mahimong sama kang Cristo	37
Lesson 9: Ikaduhang Pagbalik ni Jesus	41
Lesson 10: Panan-awon	45
Lesson 11: Pagkapiniyalan sa Abundansiyang Kinabuhì	49
Lesson 12: Imong Ministeryo: Pagsangyaw	53
Appendix: One God: Wheel of Prophecy	57

PASALAMAT

Buot kong ipaabot ang akong pagpasalamat labaw sa tanan sa atong Labaw'ng Makagagahom, si Ginoong Jesu-Cristo.

Usab akong pagpasalamat sa akong kapikas sa Kinabuhi, Emelie, kinsa makugihon sa pag-atiman kanako ug sa kanunay nga pagsuporta aron kining dyutay nga basahon mahimong reyalidad.

Ang akong mga anak usab, si Micah Jewel, Maxwell Josh ug Manasseh Jireh, takos sa pagpasalamat gumikan kay sila dili na gayud mangistorbo kon ilang makita nga ako magatrabaho na sa akong kompyuter.

Mapasalamaton usab ako sa akong ginikanan, sila Perry ug Merlyn, kinsa adunay dakong pagsaleg nga akong makompleto kini nga basahon, syempre uban sa tabang sa Ginoo kini gayod may kalampusan.

Sa ako usab mga igsoon ug mga bayaw, sila Bong ug Sarah ug sila Weng ug Joseph, kinsa usab makugihon nga nang-apod-apod sa matag basahon nga akong mahimo.

Sa mga kaigsoonan sa Mission Church, kinsa akong gipahinungdan niining maong basahon. Ako nasayod nga kini

Kristohanong Pagkinabuhì

adunay dakong kagamitan alang sa atong espiritohanong paghamtong.

Gipasalamatan ko usab ang tanang mga kaigsoonan sa Pentecostals of Jordan, ug sa Pentecostals of Saipan sa ilang mga pag-ampo alang kanako ug sa akong panimalay.

Kinatapusan, kanimo, kinsa mipalit ug misaleg nga kining basahon makatabang kanimo. Ako mapasalamaton nga imong gipili kining maong basahon ingon nga giya alang kanimo. Mahimong kini mapuslanon kanimo alang sa imong personal nga paghamtong o lagmit giya alang sa imong pagtudlo sa uban aron sila usab mohamtong sa pag-alagad. Ug bisan tuod kini dili kompleto alang sa tanan nimong panginahanglan, apan ako nanghinaot nga kini usab makahatag kanimo ug dyutay nga pagtulun-an.

PASIUNA

Pagsugod sa Bag-ong Kinabuhi

Sa imong bag-ong kinabuhi aduna usab mga bag-ong mga butang nga imong masayran diha sa panimalay sa Ginoo. Maingon nga ang bata dili pa sinati sa mga unsay angay ug unsay dili angay nga himoon sa ilang balay maingon man usab ang bag-ong magtotoo. May mga pagkaon nga dili angay ng kaunon sa pagkakaran.

Ang 1 Juan 2:13 nag-ingon, *“Ako nagasulat kaninyo, mga amahan, kay kamo nakaila man kaniya nga diha na sukad pa sa sinugdan. Nagasulat ako kaninyo, mga batan-on, kay inyo na mang gidaug ang dautan. Nagasulat ako kaninyo, mga anak, kay kamo nakaila man sa Amahan..”* kini lamang nagpakita nga adunay nagkandaiyang mga ang-ang sa paghamtong ang usa ka Kristohanon. Kini nga pagtoon mao ang pagtoon hilabi na sa mga bag-ong magtotoo (bata) aron mas labaw nga magiyahan sa mga bag-ong butang sulod sa iyang kinabuhi. Gumikan kay bag-o man siyang nahimugso (bag-ong bautismo), kinahanglan siyang masayod sa mga bag-ong butang nga nakapalibot kaniya.

Kini adunay dose (12) ka pagtulun-an nga angay gayod nga matikdan. Nganong dose man? Daghang takna nga ang dose gigamit sa Biblia, dose ka banay sa Israel, dose ka apostoles, dose ka poste sa gingharian ug uban pa. Busa mas nindot nga atong pagagamiton kini nga pagtulun-an uban ang maigmat nga pangisip

Kristohanong Pagkinabuhì

aron labaw natong makinabuhì ang mga butang nga ginatudlo niini.

Kini adunay tulo ka bahin, kini mao ang Komentaryo, Mga Pangutana, ug ang Pagkinabuhì sa Usa ka Semana. Ang **Komentaryo** gidisenyo aron imong lantawon kon unsa ang background sa maong pagtoon. Dinhi usab ka makakita sa pipila ka tubag sa mga pangutana. Kini usab maoy lagmit nga mag-abri sa imong pagsabot mahitungod sa kasulatan. Ang **Mga Pangutana** gibutang usab aron ikaw mismo makadiskobre kon unsay naa sulod sa Bibliya, kinahanglan kini nga imong tubagon aron sa pagbisita sa imong Mentor/Sponsor aduna kay ikatubag sa iyang mga pangutana. Ang makugihon nga pagpakli sa Bibliya maoy gikinahanglan aron matubag ang mga pangutana. Ang **Pagkinabuhì sa Usa ka Semana** gihimo usab aron magiyahan ka kon unsaon sa pagkinabuhì sulod sa usa ka semana. Human nga ikaw katudluan sa imong Mentor/Sponsor ikaw angay nga magbuhat sulod sa usa ka semana sumala sa ginasugyot sa maong seksyon aron mas labaw nga makinabuhì ang atong gitun-an sa maong semana.

PAHINUMDOM

Ang Pagsugod sa bag-ong kinabuhì naglangkob nagkinahanglan ug mga tawo kinsa makagiya kanato sa paghamtong sa pagsugod sa atong pag-ugmad sa relasyon sa Dios. Ang Level 2 maoy ikaduha nga ang-ang nga klase sa atong Discipleship Program. Ako nanghinaot nga ikaw makakat-on gikan niining maong pagtuon, uban sa giya sa Balaang Espiritu ug sa suporta sa imong Sponsor (tawo nga nag-amuma kanimo sa espiritohanong paghamtong).

Aniay lima ka ang-ang nga imong pagabuhaton samtang nagasugod ka sa imong panaw ngadto sa espiritohanong paghamtong.

S-Salig sa Dios ug ayaw sa imong kaugalingon ug sa imong kaugalingong binuhatan. Saligi nga si Cristo lamang ang makaluwas kanimo. Ang nagluwas kanato mao ang grasya sa Dios, ug kini dili atong kaugalingong paningkamot (Efeso 2:8-9), busa Siya lamang ang atong saligan ug dili ang atong kaugalingon.

U- Undang sa paghimo sa butang nga gitawag sa Bibliya nga sala. Kay sila nga Iya sa Dios kinahanglan molikay sa tanang pagkadautan (2 Timoteo 2:19).

Kristohanong Pagkinabuhì

G- Gagmayng Pundok. Sila mao ang mga grupo nga diin nagatuon sa pulong sa Dios. Tambong sa matag Dominggo nga simba, lakip na ang tigom sa mga gagmay'ng pundok sa mga kabalayan. Dili nato undangon ang panagtigom sama sa nabatasan sa uban (Hebreo 10:25)

O- Open your Bible. Ang pagpakli sa Biliya ug pagbasa niini maoy maghatod kanato sa pagsabot sa Iyang Pulong nga diin usab kita makakat-on sa pagtuman niini. Dili nato isalikway kining basahon kay kini maoy paagi aron kita mouswag (Josue 1:8).

D- Dawata ang kamatuoran nga wala ka mag-inusara. Busa isangyaw sa uban ang imong nadawat nga kaluwasan diha kang Cristo. Kon atong isugid nga si Jesus mao ang Ginoo kita mamaluwas. (Roma 10:9-10).

Topic: Lesson 1: Pagueguro sa Kaluwasan

Komentaryo

Human ka maghinulsol, mabautismohan sa pangalan ni Jesus, ug makadawat sa Balaang Espiritu (Buhat 2:38), ikaw misulod sa bag-ong pakigrelasyon. Ikaw bag-o na nga binuhat (2 Corinto 5:17), sa takna nga ikaw midawat sa Dios. Ikaw nahimo na Niyang anak (Juan 1:12), ug busa manununod ka na (Galatia 4:7) sa katigayunan sa atong langitnon nga Amahan.

Tungod kay anak ka man sa Dios, imong mga igsoon sila nga Kristohanon usab ug ikaw kabahin na sa panilamay sa Dios (iglesia), busa kay ikaw anak man ikaw makapasaleg sa imong kaluwasan. Seguroha ang imong kaluwasan. Kon ikaw nabautismohan sa pangalan ni Jesus (Galatia 3:27) nan ikaw iya ni Cristo. Kita may dakong pasaleg nga kita luwas pinaagi sa pagtoo (Hebreo 10:22), tungod kay ang Dios dili man bakakon (Numeros 23:19). Ang Dios nagpasaleg sa Iyang kaluwasan kanato (Salmo 91:16; Isaias 45:17; Mark 16:16; Luke 19:9; Acts 11:14; 16:31), busa ayaw kabalaka. Siya miingon nga kita Iyang adopted nga mga anak (Juan 1:12; Roma 8:15; 2 Cor 6:18; Gal 3.26, 4.5,6; Efeso 1.5.), syempre dili gayod Niya buot nga malaglag ang Iyang mga Anak. Kita gipahinumduman ug gisulatan ni Juan aron kita MASAYOD nga kita may kinabuhing dayon (1 Juan 5:13).

Kristohanong Pagkinabuhi

Bisan tuod may mga takna nga mapakyas kita apan kon tugutan lamang nato ang Balaang Espiritu sa pagpuyo sulod nato, siya maglig-on sa atong kasingkasing ug maghatag pasaleg nga kita mga anak sa Dios. Tungod kay mahibaloan ang punuan pinaagi sa bunga (Mateo 12:33), busa kon si Jesus ang naghari sa imong kinabuhi makita kini sa imong maayong binuhatan. Nagapamuhat ba ang Balaang Espiritu sulod kanimo? (1 Juan 3:24; 4:13; Roma 8:16; Galatia 4:6).

Nahimo ka bang sama kang Jesus? Ang Dios unta magapamuhat sulod kanimo (1Juan 3:2). Ang gugma ba nagadagayday sa sulod kanimo? Kay kini maoy pinakataas nga kasugoan ang “Balaod sa Gugma”. Kay ang Dios gugma busa ginalaoman nga kita usab magpakita sa gugma (1 Juan 4:12, 16; 5:2-3). Nahigugma ka ba sa katawhan sa Dios? Hinumdumi nga sila imong mga igsoon diha sa pagtoo busa angay silang higugmaon (1 John 3:10; 14; 16; 19). Imo bang gibalibaran ang sala? Pilia ang pagkinabuhing putli inay kay sa kinabuhing makasasala (1 John 3:10; 5:18). Imo bang gituman ang mga sugo sa Dios? Kon labaw nato Siyang ginatuman Siya usab labaw nga matinumanon sa Iyang mga saad (1 Juan 2:3; 2:5; 5:3).

Kristohanong Pagkinabuhi
Mga Pangutana alang sa Lesson 1

1. Dyutay nga review gikan sa nangaging pagtoon: Unsay mga butang nga pagahimoon aron makabaton sa kaluwasan sumala sa Buhat 2:38? _____

2. Unsay mahitabo sa usa ka tawo sa takna nga siya anaa na kang Kristo sumala sa 2 Corinto 5:17? _____

3. Kanus-a mahimong anak sa Dios ang usa ka tawo sumala sa Juan 1:12? _____

4. Kinsa man ang nagpanghimatood nga kita mga anak sa Dios sumala sa Roma 8:16? _____

5. Unsay angay nga buhaton aron ang Dios magpabilin kanato sumala sa (1Juan 4:12, 16) _____

Kanus-a kita makaingon nga kita nakaila Kaniya sumala sa (1Juan 2:3)? _____

6. Seguro ka ba nga maluwas? Ngano man o Nganong dili ma?

Kristohanong Pagkinabuhì
Pagpuyo Sulod sa Usa ka Semana

(Butangi ug check ang kahon sama niini kon imo na kining nahimo)

- Isag-ulo ang 1 Juan 5:13.
- Pag-ampo sa Dios uban ang pagpasalamat nga ikaw Iyang giluwás.
- Pakigkita sa imong Mentor/Sponsor sa dili pa ang adlaw sa inyong regular nga panagtigom ug asoyi siya sa mga nindot nga pagtulon-an nga imong nakat-onan.
- Tambong sa gagmay'ng pundok o panagkatigom, kon may kahigayunan ipaambit ang imong nakat-onan.
- Ayaw kalimot sa pagsimba karong Dominggo.
- Pakiglambigit sa buluhaton sa Dios, bisan usa gikan niining duha buhata karong semanaha.
 - Pag-imbíta ug bisíta sa simbahan o sa cell group
 - Tawagi ang imong bisíta o higala
- Tubaga ang seksyon sa **Mga Pangutana.**
- Basaha ang **Komentaryo.**

Komentaryo

Ingon nga bag-ong natawo diha sa gingharian sa Dios ginalauman nga atong isalikway ang atong karaan nga pagkatawo (Efeso 4:22-24) ug maglakaw sa bag-ong kinabuhi (Roma 6:4), tungod kay ang sala wala nay gahom batok kanato (Roma 6:14). Dili na kita mobalik sa daan natong binuhatan maingon nga ang iro mokaon sa iyang kaugalingong suka (2 Pedro 2:21-22). Bisan si Pablo nag-ingon nga iyang gikalimtan kadtong iyang gibiyaan ug nagpursegi sa pagkab-ot sa butang umalabot (Filipos 3:13). Kini unta ang USA NGA ANGAY TANG PAGABUHATON.

Kita giputli na tungod sa sakripisyo ni Cristo (Hebreo 10:14), apan kon kita kinabubut-on nga magpakasala nan wala na po'y sakripisyo alang niana (Hebreo 10:14). Apan unsaon na man lang kon makasala ang usa ka tawo human siya naluwas? Hinumdumi nga wala nay gahom ang sala batok kanato. Ingon nga bag-ong natawo kita gayod mapakyas, kita masukamod, apan ayaw kalimot sa pagbangon kay ang atong manggiloloy-on nga Amahan andam nga motabang sa takna nga kita masukamod. Duol Kaniya sa takna nga ikaw makasala kay Siya mopasaylo (1 Juan 1:9). Ayaw kabalaka kay dili man kita pagasulayan labaw kay sa atong maaranan (1 Corinto 10:13). Hinumdumi pag-usab ang kanunay

Kristohanong Pagkinabuhi

kong ginabalikbalik sa pag-ingon nga wala nay gahum ang sala batok kanato (Roma 10:14).

Samtang kita magapadayon sa paglakaw kauban ang Dios kita makabantay sa mga butang nga dili maayo alang kanato. Kay kon kita makalahutay sa tentasyon adunay gitagana nga ganti alang kanato (Santiago 1:12-15). Ang Dios wala magtintal kanato, kita lamang matintal kon paundayunan nato ang atong pagbati. Busa ayaw tuguti nga ang imong hunahuna mahugawan, mahimong dili kita makabuot nga ang langgam maglupadlupad ibabaw sa atong ulo apan segurado ako nga aduna kitay mahimo kon kini mosalag sa atong alimpulo.

Ang bugtong paagi aron kita makasukol mao ang pagtugyan sa atong kinabuhi ngadto sa Dios (Roma 12:1-2) ug suklan ta ang yawa aron siya mokalagiw (Santiago 4:7). Ang pakiggubat nagsugod kini sa atong hunahuna kon nadaog na nato ang yawa diha sa atong hunahuna maingon man usab sa atong pagbuhat. Kon kita makakontrol sa atong hunahuna nan makontrol usab nato ang atong paggawi.

Pakig-uban sa mga hamtong na nga Krsitohanon aron may makatabang kanimo sa pagsukol sa kaaway.

Mga Pangutana alang sa Lesson 2

1. Si Jesus mao ang atong panig-ingnan sa pagsukol sa tentasyon, siya gitintal apan wala makasala (Juan 8:46; 2 Corinto 5:21; Hebreo 4:15; 7:26; 1 Pedro 2:22; 1 Juan 3:5), kay unsa man diay ang atong madawat kon kita makalahutay sa tentasyon (Santiago 1:12)? _____

2. Kita nasayod nga ang tentasyon dili sala, apan kanus-a man ang tentasyon mamahimong sala sumala sa Santiago 13-15?

3. Ang PAGLIKAY sa tentasyon maoy nindot nga paagi sa pagsukol niini, apan kinsa man ang magatabang sa MATARONG gikan sa tentasyon sumala sa 2 Pedro 2:9?

4. Kinsa ang mga natintal sa mga pipila nga tentasyon sa mga sumusunod nga bersikulo?
 - a. Genesis 3:6 (Prutas) _____
 - b. Genesis 13:10-13 (maayong yuta) _____
 - c. Genesis 25:29-33 (pagkaon) _____
 - d. Josue 7:20-21 (bahandi) _____
 - e. 1 Mga Hari 11:1-4 (babaye) _____
 - f. Marcos 10:35-37 (ambisyon) _____

Kristohanong Pagkinabuhì
Pagpuyo Sulod sa Usa ka Semana

(Butangi ug check ang kahon sama niini kon imo na kining nahimo)

- Isag-ulo ang Roma 10:14.
- Tambong sa gagmay'ng pundok o panagkatigom, kon may kahigayunan ipaambit ang imong nakat-onan.
- Ayaw kalimot sa pagsimba karong Dominggo.
- Pakiglambigit sa buluhaton sa Dios, bisan usa gikan niining duha buhata karong semanaha.
 - Pray and Fast (at least 1 meal)
 - Prayer Walking
- Tubaga ang seksyon sa **Mga Pangutana**.
- Basaha ang **Komentaryo**.
- Ampo sa Ginoo ug itugyan ang tanan nimong bisyo nga nahimong tentasyon kanimo nga mohatod ngadto sa pagpakasala.
- Likayi ang bisyo nga imong giisip nga tentasyon karon nga semana.

Komentaryo

Ang iglesia gikan sa Griyego nga pinulungan “ekklesia” nga nagpasabot gipangtawag. Kini mao ang panimalay nga ang ulo mao si Cristo (Efeso 1:22-23). Kita mismo mao ang balay sa Dios (Efeso 2:21-22; 1 Corinto 3:9), busa ang Dios nagapuyo sulod nato (*sa atong kasingkasing*).

Kita tinawag sa Dios sa daghang hinungadan, kay kita gitawag alang sa Dios sumala iyang katuyuan (Roma 8:28). Kita usab gitawag alang sa kalinaw (1 Corinto 7:15), himaya ug pagkahalangdon (2 Pedro 1:3), ug bisan sa pagkabalaan (1 Tesalonica 4:7). Kita gipangtawag aron mahimong mga anak sa Dios (1 Juan 3:1), kini maoy pinakanindot nga pagkatawag. Ikaw ug ako gitawag nga iglesia, ang iglesia (simbahan) dili kining building nga diin kita nagasimba matag Dominggo, kondili ang matag indibidwal kanato, kay bisan duha kon tulo magahisgot sa ngalan sa Dios tua man siya (Mateo 18:20). Ang iglesia maoy lawas ni Cristo (1 Corinto 12:27), bisan tuod kita dili managsama ug abilidad apan ang matag-usa importante sa lawas (1 Corinto 12:12-14), kay dili pwedeng makapanghambog ang usa ka bahin nga mas importante siya kay sa uban (1 Corinto 12:15-18).

Sa Daang Tugon nga iglesia ang mga tawo nanagtigom sa usa ka tulda nga gitawag Tabernakulo, didto sila nanagtigom aron sa paghimaya sa Dios. Apan sa pag-abot sa Bag-ong Tugon ang

Kristohanong Pagkinabuhì

panagkatigom wala na maginapos didto sa templo lamang kondili aduna usab mga panagtigom diha sa matag panimlay, tungod kay ang presensiya sa Dios dili lang ikasugat didto sa templo kondili kon hain ang panagkatigom sa iyang katawhan (Mateo 18:20). Ang unang iglesia sa Bag-ong Tugon nanagkatigom sa mga balay-balay (1 Corinto 16:19; Colosas4:15; Filemon 2; Roma16:5). Busa mahinungdanon alang sa usa ka iglesia nga adunay Home Friendship Groups o Cell Groups nga diin sila labaw nga mabantayan ug mohamtong tungod kay imposible alang sa usa ka pastor sa pag-atiman sa usa ka libo ka membro sa indibidwal nga paagi.

Adunay walo ka hinungdan nganong importante ang HFG/CG sumala kang Rev. Cecil Sullivan: (1) aron sa paghimo'g mga tinun-an, hinumdumi nga si Jesus aduna lamay 12 ka tawo nga gibansay pag-ayo alang sa buluhaton sa tibook kalibutan, (2) pagbansay sa TANAN nga moampo, (3) aron adunay tinuod nga fellowship, (4) aron mabansay ang mga espiritohanong gasa, (5) sa pagtugot sa uban nga makaalagad—dili lang kang pastor kini nga buluhaton, (6) matagbo ang mga dagkong personal nga panginahanglan (90%), (7) makakabig ug mga kalag kada-adlaw, (8) sa pag-ebanghelyo.

Mga Pangutana alang sa Lesson 3

1. Kinsa ang ulo sa iglesia sumala sa giingon sa Efeso 1:22?

2. Unsa nga termino ang gigamit sa Efeso 2:19 sa paghulagway sa iglesia?

3. Sa Buhat 2:46 adunay duha ka dapit nga gihisgutan nga diin nanagtigom ang unang iglesia. Isulat ang duha.

4. Importante gayod nga moadto kita sa simbahan aron sa panaghiusa nga pagsimba ug pag-ampo labi na ang pagwali sa pulong sa Dios pinaagi sa Iyang pastor. Unsay giingon sa Hebreo 10:25 nga kinahanglan dili pagabiyaan?

5. Mahinungdanon usab nga motambong sa mga gagmay'ng panagtigom aron malig-on ang imong pagtoo ug mapaambit ang imong kasinatian sa paglakaw kauban ang Dios. Kinsa-kinsa ang gipangumusta nga mga iglesia diha sa panimalay nga panagkatigom sa sumusunod nga mga bersikulo?

a. 1 Corinto 16:1 _____

b. Colosas 4:15 _____

c. Filemon 2 _____

d. Roma 16:5 _____

Kristohanong Pagkinabuhì
Pagpuyo Sulod sa Usa ka Semana

(Butangi ug check ang kahon sama niini kon imo na kining nahimo)

- Isag-ulo ang Mateo 18:20
- Tambong sa gagmay'ng pundok o panagkatigom, kon may kahigayunan ipaambit ang imong nakat-onan.
- Ayaw kalimot sa pagsimba karong Dominggo.
- Pakiglambigit sa buluhaton sa Dios, bisan usa gikan niining duha buhata karong semanaha.
 - Give Testimony (Church or Cell)
 - Be a Timer or Evaluator (Cell)
- Tubaga ang seksyon sa **Mga Pangutana.**
- Basaha ang **Komentaryo.**
- Pangayo sa panambagon gikan sa imong Pastor kon asa nga pundok o Cell Group ka pwede nga malambigit.
- Pangutana sa Imong Pastor kon kinsa ang pwedeng makaatiman kanimo ingon nga imong Prayer Partner ug makabansay kanimo sa mga espiritohanong mga butang.

Komentaryo

Pag-amping nga dili sambogan kining langitnon natong pagtulun-an sa mga tawhanong tuluohan, mga tuluohan nga dili iya ni Cristo, mga pagtudlo nga si Cristo dili Ginoo (Colosas 2:8-10).

Kita nagatoo nga aduna lamay usa ka Dios... (Deuteronomy 6:4; Mark 12:29; Galatians 3:20; I Timothy 2:5). Aduna lamay usa ka Dios nga naghimo sa langit ug sa yuta. (Isaiah 37:16). Kay Siya ang sinugdanan ug ang katapusan, wala nay lain pa nga Dios (Isaiah 44:6, 8, 24; Isaiah 45:5-6, 18, 21-22). Walay pwedeng ikakumpara ang Dios, kay wala nay sama Kaniya (Isaiah 46:5, 9). Walay nahauna ug walay naulahi Kaniya. Dili ihatag sa Dios sa uban ang Iyang himaya kay wala nay lain nga Dios gawas Kaniya (Isaiah 48:11-12). Bisan ang yawa nagatoo nga aduna lamay usa ka Dios (James 2:19), busa ang dili motoo nga adunay usa lamang ka Dios siya labaw pa kay sa yawa. Sa langit aduna lamay usa ka trono, ug adunay usa lamang nga nagalingkod didto, kay usa ra man ang Dios (Revelation 4:2).

Si Jesus mao ang Dios nga nadayag sa unod... siya gitawag nga walay katapusang Amahan, ug Siya gitawag usab nga Dios nga gamhanan (Isaiah 9:6; Isaiah 40:9). Ang Pulong nga sa sinugdanan nagbuhat sa tanang mga butang mao kini ang Dios, kinsa

Kristohanong Pagkinabuhi

nahimong unod o sa mas tin-aw nga pinulungan, *nagpakatawo* (John 1:1, 14). Bisan si Thomas mimungkahi “My Lord and my God” human nga iyang nakaplagan nga si Jesus mao ang iyang nakita kinsa gilansang sa krus ug karon nabanhaw na (John 20:28). Ang Dios anaa kang Jesus kinsa nagpasig-uli sa kalibutan ngadto Kaniya (II Corinthians 5:19). Si Jesus mao ang dagway sa dili makita sa nga Dios (Colossians 1:15), buot ipasabot nga daw nagtan-aw ka sa salamin og imong nakita ang imong reflection sa salamin. Dili nagpasabot nga duha ka kabuok tungod kay naa kay dagway sa salamin kondili kadto imong reflection lamang. Apan dili sama sa salamin, kay ang kinatibuk-ang pagkaDios anaa kang Jesus (Colossians 2:9-10). Dayag gayod ang kamatuoran nga ang Dios nagpadayag diha sa unod, ug siya mao ang dakong Dios ug manluluwas ug ang Iyang ngalan Jesus (I Timothy 3:16; Titus 2:13).

Si Jesus mao si Jehovah (LORD sa KJV)... Ang nag-inusarang Dios, ang Jehovah (JHVH) sa Daang Tugon, nagsul-ob sa tawhanong kinaiyahan, Iyang gihukas ang Iyang pagkadios ug nagbisti sa dagway sa tawo (Jesus). Isip Anak sa tawo, Siya gihimugso sa usa ka ulay nga babaye (Mary). Busa hingpit ang pulong ni Apostol Pablo nga dako ang tinago sa atong pagtulon-an, nga ang Dios (si Jehovah) nadayag sa unod nga mao si Cristo Jesus (1 Tim. 3:16).

Kristohanong Pagkinabuhi
Mga Pangutana sa Lesson 4

1. Pila ka Dios ang naghimo sa langit ug sa yuta sumala sa Isaias 37:16?

2. Gawas kanato kinsa pa man ang lain nga nagatoo ug usa ka Dios sumala sa Santiago 2:19?

3. Kinsa siya nga gitawag nga dagway sa dili makita nga Dios sumala sa Colosas 1:15?

4. Kinsa siya nga wala pa siya napakatawo si Abraham anaa na sumala sa Juan 8:58?

5. Kita nasayod nga ang Amahan ug ang Anak usa ra sumala sa Juan 10:30, nan unsa nga pangalan ang atong gamiton sumala sa Colosas 3:17; Filipos 2:9-11?

6. Unsa nga mga titulo ni Jesus nga gihisgutan sa Isaias 9:6?

a. _____

b. _____

c. _____

d. _____

e. _____

Pagpuyo Sulod sa Usa ka Semana

(Butangi ug check ang kahon sama niini kon imo na kining nahimo)

- Isag-ulo ang Deutoronomio 6:4
- Tambong sa gagmay'ng pundok o panagkatigom, kon may kahigayunan ipaambit ang imong nakat-onan.
- Ayaw kalimot sa pagsimba karong Dominggo.
- Pakiglambigit sa buluhaton sa Dios, bisan usa gikan niining duha buhata karong semanaha.
 - Usher (Church or Cell)
 - Testimony Leader (Church or Cell)
- Tubaga ang seksyon sa **Mga Pangutana.**
- Basaha ang **Komentaryo.**
- Pakig-estorya sa Dios sa Iyanggiya sa pagtoon niini nga topiko
- Tun-i ang diagram sa Appendix A (sa kinatapusang bahin sa libro) ug isulti ang imong nasabtan ngadto sa imong Cell Group o sa imong Mentor/Sponsor sa dili pa ang inyong regular nga tigom.

Komentaryo

Pag-ampo... Ang pag-ampo maoy paagi sa pakig-estorya sa Dios. Ang komunikasyon maoy importante nga bahin sa paglig-on sa matag relasyon maingon man usab ang atong relasyon sa Dios malig-on pinaagi sa komunikasyon (pag-ampo). Ang Dios nagsaad kanato nga kon kita magatawag Kaniya, Siya motubag (Jeremias 33:3). Kay sa takna nga kita magpaduol sa Dios Siya usab magpaduol kanato (Santiago 4:8). Ang pag-ampo magbag-o usab sa atong batasan, kay imposible nga magpuyo kita sa kasuko, kapungot ug kasina samtang kita kanunay sa presensiya sa balaan, matarong ug pulti nga Dios. Ang pag-ampo usab makaapekto sa atong kaaway (Daniel 10). Kini usab makausab sa desisyon sa langit, nadungagan ang kinabuhi ni Hezekiah tungod sa pag-ampo (Isaias 38:1-6). Ang pag-ampo dili ang pagsumaysumay kondili ang paghimo sa Mateo 6:6-15 (palihog basaha) ingon nga panig-ingnan.

Ang prinsipyo sa pag-ampo mao ang pagpangayo, pagpangita ug pagpanuktok (Lucas 11:9-10), kay kon kini dili narto himoon kita walay madawat. Kini dili pagtuyok sa kamot sa Dios o pagsulti sa Dios kon unsay iyang buhaton sa ato, kondili ang pag-release kon unsay gusto himoon sa Dios kanato. Pwede ka makaampo sa bisan unsa (Filipos 4:6), sa bisan asa (1 Timoteo

Kristohanong Pagkinabuhi

2:8), dili ta angay nga mahadlok o maulaw (Hebreo 4:16). Ang Balaod sa Pag-ampo simple lang “Ang Dios mamuhat kon ikaw mobuhat” (1 Cronicas 7:14).

Pagpuasa... Ang pagpuasa gikan sa Hebreo nga pulong nga “tsom” nga nagkahulugan “paglimod sa kaugalingon.” Adunay nanagpuusa sa nagkandaiyang hinungdan, si Hanah (1 Samuel 1:7) nangayo’g anak, si David (2 Samuel 1:12; 3:35) kay naguol, si Haring Ahab (1 Hari 21:4) kay wala mapalit ang yuta, ang mga taga-Nineveh apil ang mga hayop (Jonas 3:5-9) aron ang Dios malooy kanila. Apan adunay mas nindot nga hinungdan alang sa pagpuasa, alang sa tubag (Daniel 9:3; 10:2, 3); direksyon (Esdras 8:21-23); ug proteksyon (Ester 4:15, 16). Ang pagpuasa ginabansay bisan sa Bag-ong Tugon ug kini kabahin na sa pagkinabuhing Kristohanon. Sa Mateo 6:16 ang bersikulo nag-ingon “**when** [sa takna] ye fast” ug dili “**if** [kon] you fast”, kini ngapasabot lamang nga kini dili usa ka *optional* (pagpili) kondili *necessary* (kinahanglanon gayod). Ang Mateo 6:16-18 naghatag ug tin-aw nga panambagon kon unsaon sa pagpuasa. Kini adunay espirituwal ug pisikal nga benepisyo alang kanato, sama sa paghinlo sa hunahuna kay ang toxic ipagawas sa lawas pinaagi sa pagpuasa. Kini usab magpahulay sa atong lawas, kay ang atong digestive system walay gitunaw, ug kini usab makaputol sa atong adiksiyon.

Mga Pangutana alang sa Lesson 5

1. Unsay himoon sa takna nga kita mag-ampo sumala sa Mateo 6:6? _____
2. Unsay gidili ni Jesus kanato sa takna nga kita mag-ampo sumala sa Mateo 6:7?

3. Unsa man ang atong himoon aron kita pasayloon sa Dios sa takna nga kita moampo sumala sa Mateo 6:14-15?

4. Kinsa ang mga nanagputa sa mga sumusunod nga mga bersikulo ug pila ka adlaw sila nanagputa
 - a. Matthew 4:2 _____
 - b. 2 Corinthians 6:5; 11:27 _____
 - c. Acts 10:30, 31, 44, 47 _____
5. Sumala sa Isaias 58:6-8 unsa ang siyam kahinungdan sa pagputa
 - a. _____
 - b. _____
 - c. _____
 - d. _____
 - e. _____
 - f. _____
 - g. _____
 - h. _____
 - i. _____

Pagpuyo Sulod sa Usa ka Semana

(Butangi ug check ang kahon sama niini kon imo na kining nahimo)

- Isag-ulo ang Jeremias 33:3
- Tambong sa gagmay'ng pundok o panagkatigom, kon may kahigayunan ipaambit ang imong nakat-onan.
- Ayaw kalimot sa pagsimba karong Dominggo.
- Pakiglambigit sa buluhaton sa Dios, bisan usa gikan niining duha buhata karong semanaha.
 - Visit Hospital (Hospital Ministry)
 - Visit Jail (Jail Ministry)
- Tubaga ang seksyon sa **Mga Pangutana.**
- Basaha ang **Komentaryo.**
- Sugod sa pag-ampo ugma sulod sa 10 minutos sulod sa pito ka adlaw (*pananglitan: kada 6:00-6:10 sa buntag matag adlaw*)
- Karong semanaha pangita ug adlaw nga diin ikaw makapusa sulod sa usa o duha ka kan-anan, ug pag-ampo sa Dios.
(*pananglitan: ayaw kaon ug pamahaw hangtod udto unya kaon ug lugaw pagka 3:00 PM*)

Komentaryo

Si Jesus gikinahanglan muadto sa Samaria (Juan 4:4) aron ang iglesia katudluan sa kamahinungdanon sa pagdayeg ug pagsimba. Ang pagsimba adunay dyutay nga kalainan. Ang **pagdayeg** mao ang pagsulti ug maayo, pagpasundayag sa kahimoot, o pagtuboy. Sa laing bahin ang **pagsimba** maoy katungdanan sa binuhat ngadto sa iyang magbubuhat, kini mao ang paghimaya ug pagbayaw sa Dios, kini maoy pag-alagad sa Dios kay kini maoy paagi sa paghatag sa atong kaugalingon ngadto Kaniya, kini maoy atong mahimo ngadto sa Dios nga dili mahimon sa Dios sa Iyang kaugalingon.

Sa libro sa Salmo atong makita nga ang pulong pagdayeg mabasa 616 ka higayon. Bisan ang mga nagsimba ug diosdios nagpakita sa pagdayeg ug pagsimba sa ilang ginoo, bisan sa langit atong madungog kini (Isaias 6:1-6; Pinadayag 4:8-11; 5:6-14). Seguro dili usa ka pangutana nganong kita modayeg ug mosimba sa Dios tungod kay kita nasayod nga Siya takos nga modawat niini.

Adunay duha ka paagi sa pagdayeg ug pagsimba, una, sa sulod (kasing-kasing) ug ikaduha, sa gawas (buhat). Ang pagdayeg ug pagsimba sa sulod pinaagi sa espiritu ug kamatuoran (Juan 4:24), uban ang kalipay (Salmo 5:11; 28:7; 40:16; 63:5; 81:1;

Kristohanong Pagkinabuhi

89:15; 1 Pedro 1:8), ug sa tibuok nga katim-os (Salmo 9:1; 48:1; 63:8; 71:23; 86:12; 96:4; 103:1; 112:1 138:1). Ang pagsimba dili lang pagahimoon sa sulod sa kasing kasing kondili lakip na sa gawas. Si Pablo nag-ingon nga *“Inigtigum ninyo, ang matag-usa andam na nga may alawiton... Ipahimo ang tanan alang sa pagpalig-on”* (1 Corinto 14:26), pagpakita kanato nga ang mga kaigsonan sa Bag-ong Tugon sa pagdayeg aron sa paglig-on kanila. Kini nga pagdayeg naglangkob sa panag-awit, pagsinggit sa kalipay (Salmo 32:11; 100:1-2; 132:9), pagpakpak ug panagsayaw (Salmo 47:1; II Hari 11:12; Salmo 149:3; 150:4), pagbayaw sa kamot (Salmo 28:2; 63:4; 88:9; 119:48; 134:2; 1 Timoteo 2:8), sa tingog (Salmo 66:8; 26:7; 28:6; 51:15; 109:30; 145:21; 149:6), uban ang instrumento (1 Chronicles 23:5; Psalm 33:2,3; 98:6; 144:9; 149:3; 150:3-5), uban ang kahilom (Salmo 46:10; Habakkuk 2:20; Zacarias 2:13), uban ang gasa ug mga halad (Psalm 96:8-9; Exodus 34:20). Kita gilauman nga magadayeg sa Dios gikan sa pagsidlak sa adlaw hnagtod sa pagsalop (Salmo 113:3), ug ang tanan nga may kinabuhi magadayeg gayud sa Dios (Salmo 115:17-19).

Samtang si Pablo ug si Silas nabilanggo, ang ilang bugtong gihimo sa tungang gabii mao ang panag-awit ug panagdayeg sa Ginoo ug ang ilang gapos nabadbad ug ang prisohan naabri. Dayga Siya kon ikaw may problema.

Mga Pangutana alang sa Lesson 6

1. Asa man nagapuyo ang Dios sumala sa Salmo 22:3?

2. Sumala sa Juan 4:24 ang Dios pagasimbahon diha sa?

a. _____

b. _____

3. Pila kabuok magdadayeg nga may mga instrumento ang gigahin ni David alang sa pagdayeg sa Ginoo sumala sa 1 Cronicas 23:5? _____

4. Unsa man ang ipaawit kanato sumala sa Salmo 96:1?

5. Kinsa man ang gilauman nga magasimba sa Dios sumala sa Salmo 150:6?

6. Isulat ang mga instrumento nga pagagamiton sa pagdayeg sa Dios sumala sa Salmo 150-1-6?

a. _____

b. _____

c. _____

d. _____

e. _____

"We worship God for who He is...concerns His character..

We praise God for what He does...concerns His actions.."

Rev. Jack Hayfford

Pagpuyo Sulod sa Usa ka Semana

(Butangi ug check ang kahon sama niini kon imo na kining nahimo)

- Isag-ulo ang Juan 4:24
- Tambong sa gagmay'ng pundok o panagkatigom, kon may kahigayunan ipaambit ang imong nakat-onan.
- Ayaw kalimot sa pagsimba karong Dominggo.
- Pakiglambigit sa buluhaton sa Dios, bisan usa gikan niining duha buhata karong semanaha.
 - Share Inspirational Quotes/Verse in Facebook
 - Invite a Friend (Church or Cell)
- Tubaga ang seksyon sa **Mga Pangutana.**
- Basaha ang **Komentaryo.**
- Dayga ang Dios sa matag takna nga magaampo ka.
- Ayaw kaulaw sa pagpataas sa imong kamot karong Dominggo sa imong pagsimba.

Komentaryo

Ang matag bag-ong magtotoo nagkinahanglan ug magagiya kaniya sa iyang panaw ngadto sa paghamtong ingon nga Kristohanon. Usa ka magbalantay sa panon, ug mahimong responsable kon may usa nga mawala, siya mao ang imong magbalantay—ang imong Pastor. Gawas sa imong pastor adunay mga pangulo sa iglesia nga katambayayong niya sa pag-atiman sa imong kalag, busa ang imong pagrespeto dili lang kutob sa pastor kondili lakip na ang ubang mga pangulo sa iglesia. Gikinahanglan nato ang lider gumikan kay gikinahanglan nga kita may pagaawaton, maingon nga si Pablo nag-ingon sa mga iglesia nga *“Magmaawaton kamo kanako, maingon nga ako nagamaawaton kang Cristo”* (1 Corinto 11:1). Si Pedro nag-ingon nga si Jesus mao ang atong labaw’ng magbalantay (1 Pedro 5:4), ug ang Dios nagbutang ug magbalantay alang kanato nga mahimong responsable alang kang Cristo. Dili sayon ang buluhaton sa usa ka lider gumikan, bisan si Pablo nagsulat ngadto kang Timoteo kon unsay angay nga batasan sa usa ka lider, *“dili badlonganon, ug siya usa ray asawa, mapugnganon sa kaugalingon, mabuot, maugdang, maabiabihon, maayo sa pagpanudlo, dili palahubog, dili tigpanukmag, hinonoa malomo, dili palaaway, ug dili mahigugmaon ug salapi...magamaayo ang iyang pagdumala sa iyang kaugalingong panimalay... dili bag-o pa lang nakabig...*

Kristohanong Pagkinabuhì

matinamud siya sa mga taga-gawas ingon nga maayog dungog...magmaugdang, dili duhag sinultihan, dili tig-inom ug daghang bino, dili maikag sa pagpanapi pinaagig limbong...(ug uban pa)” basaha ang 1 Timoteo 3:1-13 aron labaw nimong masabtan ang *requirements* sa usa ka pangulo. Usa sa mga mahinungdanon nga katungdanan sa pastor mao ang pagpakaon sa Iyang panon (Isa. 40:11; Buhat 20:28; 1 Pedro 5:2; Jer. 23:4), pagprotekta kanila [*gikan sa sayop nga pagtudlo*](Eze. 3:17; 2 Timoteo 4:1-4; Isa. 62:6), magauna ug magagiya kanila pinaagi sa iyang kasinatian ug panig-ingnan (Jer. 3:15; Efeso 4:12).

Kon ang pastor adunay katungdanan kanato, kita man usab may katungdanan ngadto sa atong pastor. Kini mao ang pagrespeto ug pagtahod kanila (1Tesalonica 5:12-13; 1Timoteo 5:17). Mahinungdanon nga kita morespeto, motahod, mosunod, ug mamuhat kauban ang alagad sa Dios, gumikan kay sila maoy gituga sa Dios aron magagiya kanato. Matngunan nato ang atong dila nga dili kita makasaway o makatubag batok sa atong pastor. Ang pastor mao ang mangatubang sa Dios sa takna nga siya masayop, busa dili nato katungdanan ang pagsaway kaniya. Inay kita magasuporta kaniya, pinaagi sa mga pag-ampo ug pagpamuhat aron sa pagpalapnag sa gingharian sa Ginoo.

Mga Pangutana Alang sa Lesson 7

1. Gawas sa Pastor unsa pa ang laing mga posisyon ang gihisgutan sa Efeso 4:11
 - a. _____
 - b. _____
 - c. _____
 - d. Pastor_____.
 - e. _____

2. Isulat ang tulo (3) ka butang o paagi nga kita makasuporta sa atong pastor.
 - a. _____ (Roma 15:30)
 - b. _____ ug _____ (Hebreo 13:17)
 - c. _____ (1 Corinto 9:11, 13-14)

3. Ang lider kinahanglan makadumala sa iyang panimalay sumala sa 1 Timoteo 3:4-5, ngano man? _____

4. Usa usab nga gikinahanglan nga dili siya bag-ong kabig sumala sa 1 Timoteo 3:6, ngano man? _____

5. Unsay angay nga himoon sa usa ka magtotoo ngadto sa ilang mga lider sumala sa 1Timoteo 5:17? _____

6. Personal nga Pangutana: Unsaon nimo sa paghatag ug pagpasidungog sa imong pastor ug sa mga lider sa iglesia?
 - a. _____

Kristohanong Pagkinabuhi

- b. _____
- c. _____
- d. _____

Pagpuyo Sulod sa Usa ka Semana

(Butangi ug check ang kahon sama niini kon imo na kining nahimo)

- Isag-ulo ang Jeremias 3:15
- Tambong sa gagmay'ng pundok o panagkatigom, kon may kahigayunan ipaambit ang imong nakat-onan.
- Ayaw kalimot sa pagsimba karong Dominggo. Pakiglambigit sa buluhaton sa Dios, bisan usa gikan niining duha buhata karong semanaha.
 - Prayer Warrior (Church or Cell)
 - Pray and Fast (at least one meal)
- Tubaga ang seksyon sa **Mga Pangutana.**
- Basaha ang **Komentaryo.**
- Hatagi ug simple nga gasa ang imong pastor/lider niini nga semana.
- Iampo ang imong pastor karon nga semana

Lesson 8: Pagkabalaan: Mahimong sama kang Cristo

Komentaryo

Ang Dios balaan (1 Pedro 1:15), ug tungod kay kita mga anak man (Juan 1:12; 3:1-3) busa ginalauman nga mahimo kitang sama kaniya—*balaan*. Kon ato lang tan-awon ang batasan ni Cristo (Filipos 2:1-11) kita makabaton sa pagpamalandong nga angay gayod nato kining pagaawat. Kay kon walay pagkabalaan walay makakita sa Dios (Hebreo 12:14). Ang pagkabalaan sa Dios maoy nagbulag sa makasasala nga tawo ngadto Kaniya, busa kita magpuyo nga may pagkabalaan sa SULOD ug sa GAWAS. Si Pablo nagpasidaan kanato nga mobulag gikan niining kaliwatan nga makasasala (2 Corinto 6:17-7:1), buot ipasabot gikinahanglan ang pagkabalaan. Dugang pa, si Pablo naghangyo nga itugyan nato ang atong kinabuhi nga balaan ingon nga buhing sakripisyo ngadto sa Dios (Roma 12:1-2). Ang pagkabalaan magsugod sa SULOD, kay kon unsay naa sa sulod kini man igo litok sa baba (Mateo 12:34). Kini maoy makapahinumdom nako sa karaan nga awit “Jesus in the inside working on the outside, oh what a change in my life...” Ang kinabuhi nga may pagkabalaan makita ang bunga sa espiritu sa iyang kinabuhi (Galatia 5:22-23), nan kinsa man ang imong mahimong kaaway kon ang imong paggawi subay sa Balaang Espiritu? Kita gipili aron magpakabalaan (Efeso 1:4), dili lang kana, kita usab gitawag nga balaan nga katawhan (1 Tesalonica 4:7). Walay tawo makaingon nga lisod ang magpuyo

Kristohanong Pagkinabuhi

nga may pagkabalaan gumikan kay ang Dios may pasaleg nga kita gihatagan sa grasya aron sa pagpuyong may pagkabalaan (2 Timoteo 1:9), kay wala kita nahimong balaan pinaagi sa atong kaugalingong pagpaningkamot, kini gasa sa Dios, apan ang pagtipig niini nga pagkabalaan maoy atong katungdanan. Busa kinahanglan kitang masukol batok sa tulo ka S (3S) *sin, self, satan*, kining tulo maoy pinakakuyaw natong kalaban sa pagtipig sa pagkabalaan.

Ang pagkamatinumanon sa pulong sa Dios ug ang Balaang Espiritu maoy motabang kanato sa pagpuyo nga may pagkabalaan. Usab atong hinumduman nga kon kita nahigugma sa Dios dili lisod ang pagpuyo nga may pagkabalaan. Ang tawo nga nahigugma sa Dios dili usab maglisod sa pagtuman sa Iyang pulong (Juan 14:15, 23; 1 Juan 2:3-6). Simple lang ang prinsipyo sa pagpuyo nga may pagkabalaan: dili higugmaon ang kalibutan, ni ang mga butang niini (1 Juan 2:15-16), ayaw pahuyon sa kalibutan (Roma 12:2), likayi tanang dagway sa dautan (1 Tesalonica 5:22), pagpugong (1 Corinto 9:25), bulag gikan sa kalibutan (2 Corinto 6:16-18), himayaa ang Dios sa imong kinabuhi (1 Corinto 6:20), likayi ang pangibog sa unod (1 Pedro 2:11), ug ayaw hugawi ang templo sa Dios (1 Corinto 3:16-17).

Mga Pangutana alang sa Lesson 8

1. Atong nasayran nga ang pagkabalaan mao ang sa SULOD ug GAWAS. Gikan niining pilianan isulat kon asa makita nga bersikulo ang gihisgutan sa mga topiko: (Letra lang ang isulat)

Mga Pilianan:

- a. Salmo 19:14; Mateo 15:19-20; 2 Cor. 10:5; Filipos 4:8
- b. Job 31:1; Salmo 101:3; 119:37; Isaias 33:15-16; Mateo 6:22-23
- c. Prov. 6:16, 19; Santiago 1:26; 3:1-12
- d. 1 Corinto 3:16-17; 6:12, 19, 20
- e. Deuteronomio 22:5; 1 Timoteo 2:9-10
- f. Galatia 5:19-23; Efeso 4:23-32
- g. 1 Pedro 3:3-4; Prober 6:25; Jer. 4:30; Ezek. 23:40; 2 Hari 9:30
- h. 1 Corinto 11:1-16;

pamisti/sininaan: ___ // make-up ug alahas: ___ // pagpaputo'g buhok ___
// pamatasan: ___ // hunahuna: ___ // Dila: ___ // Mata: ___ // panglawas: ___

2. Sa tanan natong pagahimoon, souton, isulti, ug hunahunaon atong ipangutana sa atong kaugalingon: *una*, kon aduna ba kini* katuyuan ug maghimaya ba kini sa Dios (1 Corinto 10:31), *ikaduha*, mouyon ba kini sa pagtudlo ni Pablo nga maligdong, buotan ug maugdang nga pagpamisti, *ikatulo*, unsa may imong motibo, *ikaupat* mahimuot ba si Jesus niini o kini alang ba sa Iyang pangalan (Juan 14:13; Colosas 3:17), *ikalima*, makakuha ba ang akong bisti sa atensyon sa uban ngari kanako, *ikaunom*, ang ako bang buluhaton dili ba makapakgang sa paghatag sa panahon ngadto kang Cristo (Marcos 4:19; Lucas 10:41-42), *ikapito*, makatabang ba kini nga buluhaton sa paghimo kanakong

Kristohanong Pagkinabuhi

maayong panig-ingnan (pagsaksi) nga Kristohanon (1 Corinto10:23; 1 Juan 2:6), *ikawalo*, makapandol ba kini* kanila (1 Corinto 8:11-13), *ikasiyam*, *kinatapusan*, makaattract ba akong bisti sa kaatbang nga sekso (lalaki kon babaye)! Kon dili sa panggawas ang tinuod nga pagpaanyag, sa unsa man kita magpaanyag sumala sa 1 Timoteo 2:9? _____

**kini*, naghigot sa tanan lakip na ang atong pamisti, sinultihan, linihukan, gihunahuna ug uban pa.

Pagpuyo Sulod sa Usa ka Semana

(Butangi ug check ang kahon sama niini kon imo na kining nahimo)

- Isag-ulo ang Hebreo 12:14
- Tambong sa gagmay'ng pundok o panagkatigom, kon may kahigayunan ipaambit ang imong nakat-onan.
- Ayaw kalimot sa pagsimba karong Dominggo.
- Pakiglambigit sa buluhaton sa Dios, bisan usa gikan niining duha buhata karong semanaha.
 - Share your Testimony this week (Church or Cell)
 - Be a Timer or Evaluator
- Tubaga ang seksyon sa **Mga Pangutana**.
- Basaha ang **Komentaryo**.
- Basaha ug pamalandungi kini nga mga bersikulo Deut. 7:6; Psalm 29:2; 1 Corinto 10:31; 1 Pedro 1:15-16; Pinad. 22:11-12.

Komentaryo

Haduol na ang ting-ani (Jeremias 8:20), si Jesus mobalik na aron kuhaon ang iyang abot! Ang ikaduhang pagbalik ni Jesus alang sa uban wala mangalagad sa Dios kini usa ka makalilisang nga takna, apan alang sa mga anak sa Dios kini maoy atong paglaom (Tito 2:13). Ug sa iyang pagbalik ang gingharian niini nga kalibutan mahimong gingharian sa Dios ug Siya maghari sa walay katapusan (Pinadayag 11:15). Kay ang atong Ginoo, si Jesus, dili maglangay, siya mobalik gayod (Pinadayag 22:20). Usahay ang tawo segi ug pangutana kon kanus-a ba gayod mobalik ang Dios, apan timan-i nga dili nato na trabaho, ika nga, *mind your own business* (Buhat 1:7). Bisan tuod kita wala masayod kon kanus-a Siya mobalik apan Siya nagsugilon kanato nga may mga tima-ilhan diha sa kalibutan sa Iyang ikaduhang pagbalik (Mateo 24:3-51; Marcos 13:1-37; Lucas 21:5-36). Matud pa sa mga bersikulo nga gihatag, adunay gyera sa nasud batok nasud, mga katalagman nga hilabihan nga mokutlo sa daghang kinabuhi. Diri sa Pilipinas, adunay libuan nga nangamatay tungod sa katalagman nga atong naagian, pila kabuok ang namatay sa Cagayan De Oro (2011), Bagyong Pablo (2012) sa Davao de Oro ug Oriental, ug Bagyong Yolanda (2013) sa Tacloban, sa Manila ug uban pa nga bahin sa Pilipinas, COVID-19 (2019). Maingon nga ang tambok nga baka gilamoy sa payat nga baka (Genesis 41:17-40), ug si Jose miabot aron sa pagluwas kanila, mao man usab ang atong panahon

Kristohanong Pagkinabuhì

karon, human sa pipila ka tuig nga kadagaya, abundansiya, karon miabot na ang takna nga ang uban gibaligya na ang ilang mga *shares* sa *stocks* ang mga bangko nag-*bankrupt* na ug ang mga property nag *foreclosure* na, moabot dayon si Jesus aron sa pagluwas kanato. Karon ang Israel natapok na, human sa 1,900 ka tuig nga pagkatibulaag sa kalibutan, ang katawhan sa Dios nahibalik na sa ilang yuta (Amos 9:8-15).

Ang Tsunami sa Japan nagtuman sa pulong sa Dios, nga ang dagat magangulob ug adunay mga timaan diha sa kalangitan (Lucas 21:25-26). Usab miabot sa akong hunahuna ang nahitabo sa panahon ni Elisha nga miingon siya sa gi-appoint sa hari nga magdumala “ikaw makakita apan dili ka makakaon” (2 Hari 7:19), adunay nakita ang mga astronomer nga planeta sa kawanangan nga pwede kunong mapuy-an sa tawo apan dili sila makaduol (*susiha sa internet sa dugang kasayuran: Kepler Planet*). Sa akong paminaw kini mao ang gingharian sa langit nga giandam sa Dios alang kanato, sa Iyang ikaduhang pagbalik. Kon mawali na gani ang ebanghelyo sa tibook kalibutan, Siya mobalik na (Mateo 24:14), busa isangyaw ta ang maayong balita aron mas mapadali ang pagbalik sa Dios, kita maoy hinungdan nganong wala pa siya mibalik kay kon ato pa lang gibuhat ang atong buluhaton ingon nga saksi, nan dugay ra Siyang mibalik.

Mga Pangutana Alang sa Lesson 9

1. Kita nasayod nga ang Dios mobalik gayud, apan sa unsa man gipakasusama sa 2 Pedro 3:10 ? _____

2. Unsay mahitabo sa mga butang nga anaa sa kalibutan nianang taknaa sumala sa 2 Pedro 3:11? _____

3. Ang pagbalik sa Dios adunay nalambigit nga mga panghitabo sama sa pagkatunaw sa mga elemento, unsa man ang hinungdan niini (2 Pedro 3:12)? _____
4. Apan unsa man ang saad sa Dios kanato nga diin didto lamang kita motutok (2 Pedro 3:13)? _____

5. Kay kita aduna may gilauman, unsa pud ang mga butang nga gilauman nga atong pagabuhaton (2 Pedro 3:14)? _____

6. Si Pedro nagpahimatngon kanato nga magbantay, unsa man ang atong bantayan (2 Pedro 3:17)? _____

7. Personal nga Pangutana: Unsa man ang atong angay nga buhaton aron mas mapadali ang pagbalik sa Dios? _____

8. Personal nga Pangutana: Andam ka na ba sa Pagbalik ni Jesus? Ngano man o nganong dili man? _____

Pagpuyo Sulod sa Usa ka Semana

(Butangi ug check ang kahon sama niini kon imo na kining nahimo)

- Isag-ulo ang Pinadayag 22:20
- Tambong sa gagmay'ng pundok o panagkatigom, kon may kahigayunan ipaambit ang imong nakat-onan.
- Ayaw kalimot sa pagsimba karong Dominggo.
- Pakiglambigit sa buluhaton sa Dios, bisan usa gikan niining duha buhata karong semanaha.
 - Facilitate Discussion (Cell)
 - Usher (church or cell)
- Tubaga ang seksyon sa **Mga Pangutana.**
- Basaha ang **Komentaryo.**
- Iamdám ang imong kaugalingon sa pagbalik sa Ginoo pinaagi sa pag-ampo ug pagsangyaw sa maayong balita sa imong silingan
- Pagbasa ug Newspaper ug pag *cut-out* ug mga balita nga may kalambigitan sa pagbalik sa Ginoo.

Komentaryo

Kon walay panan-awon ang katilingban mangalaglag (Proverbio 29:18). Unsa man ang kahulugan sa panan-awon, kini mao ang pagkakita sa mga butang umalabot. Apan pagbantay sa yawa kay sa takna nga ang panan-awon ikahimugso diha kanimo ang yawa naningkamot sa pagpatay niini, sama sa iyang gihimo sa bata pa si Moises, sama sa iyang pag-panigkamot sa pagpatay kang Jesus sa bata pa siya. Adunay mga langgam (vultures) nga buot nga mopatay ug mokaon sa bag-ong natawo nga hayop sama sa kanding. Maingon man usab adunay mga langgam nga buot mopatay sa atong panan-awon: langgam sa dili pagkamatinuohon (*Ang Dios ba gayod kaha ang nagsulti niini?*), langgam sa pagduhaduha (Dili ko kabalo mosulti, maulaw ko).

Usahay ang kahadlok maoy mopakgang sa atong panan-awon, kahadlok kon unsay isulti sa uban kung masayop kita. May mga takna nga ang pagkadiskorahe maoy mopatay sa atong panan-awon, mao nga gipahimatngonan sa Dios si Josue mahitungod niini nga butang (Josue 1:1-9; Deut. 31:6). Usab ang kaluya ug katapol maoy mopakgang sa panan-awon mao nga ang Hageo 2:4 nagsulti kanato nga magmakusganon kita ug mamuhat. Lain pang butang nga segi'g sulsol mao ang yawa nga walay laing gihimo kondili ang pagpahuyang sa atong panan-awon. Apan, dili ta tugutan ang

Kristohanong Pagkinabuhi

yawa, sama sa karaang kanta nga nagpahinumdom kanato, “kon mosukol ka ang yawa modagan...” Sukli ang yawa, ug tuguti ang panan-awon sa Dios nga modagaya sa kinasuluran nimo. Toohi Siya nga Iyang tumanon ang butang nga Iyang gipakita diha kanimo, kay kon Iya kining gisugdan diha kanimo, segurado nga Iya gayud kining tapuson.

Susiha ang imong kasingkasing ug tan-awa ang panan-awon nga gihatag kanimo sa Dios sukad sa sinugdan. Ayaw pagsugod sa panultihon nga “mao jud ni atong palad”, “kini mao ang atong destiny”, anak ta sa Ginoo ug aduna siya’y panan-awon alang kanimo, sa imong pamilya, sa imong ministryo, sa imong iglesia. Sa batan-on pa si Jeremias siya gipakitaan ug panan-awon sa Dios nga sa tiyan pa siya sa iyang inahan gipili na siyang daan sa Dios alang sa buluhaton (Jeremias 1:4-12). Ang Dios adunay mga panan-awon sa iyang mga katawhan maingon man usab ikaw gipili sa Dios aron modala sa Iyang mga panan-awon. Kinahanglan kita adunay nagkalayo nga mga panan-awon sama sa unang iglesia (Buhat 2:42-47). Unsa man ang imong nakita? Ako, akong nakita nga ang tibuok Pilipinas mapuno sa simbahan nga nagatudlo sa apostolikanhong pagtulun-an, simbahan sa matag-barangay.

Mga Pangutana Alang sa Lesson 10

1. Lagmit aduna kay panan-awon nga gipakita sa Dios. O lagmit nga wala kay panan-awon. Unsa man ang panan-awon nga gipakita kang Juan (Pinadayag 4:1)?

2. Lagmit ang imong panan-awon hanap kaayo, apan tuguti nga matin-aw kini pinaagi sa tabang sa Dios. Unsa nga panan-awon ang nakita ni Pablo (Buhat 6:9-10)?

3. Ang panan-awon wala mag-agad sa nakita (*vis* sa Sanskrit) kondili kini usab lagmit sa lain nga paagi, ang uban gipadungog sa tingog sa Dios samtang sila nag-ampo, ang uban gidala sa usa ka bersikulo sa Bibliya, ang uban samtang naa sila sa hilom nga paghanduraw ang Dios namulong sa ilang kasingkasing. Ang uban midagan gikan sa panan-awon nga gihatag sa Dios, sama kang Jonah. Kinsa nga mga tawo ang gipakitaan sa panan-awon sa sumusunod nga mga bersikulo?
 - a. Genesis 15:1 _____
 - b. 1 Samuel 3:1-15 _____
 - c. Obadiah 1:1 _____
 - d. Numeros 24:1-5 _____
 - e. 2 Cronicas 32:32 _____
4. Lagmit ikaw nag-antos o nakasinati sa kasakit, o pagpakaulaw gumikan sa panan-awon nga imong nakita (Salo 105:19), sama kang Jose (Genesis 37:5-11), siya gihulog sa balon (Genesis

Kristohanong Pagkinabuhi

37:23-26), gibaligya ingon nga ulipon (Genesis 37:27-30), apan wala siya maluya tungod niini. Si Abraham usab gipakitaan sa Dios nga padaghanon ang iyang kaliwatan (Genesis 15: 5-10), bisan siya tigulang na apan siya mitoo niini. Motoo ka ba kung pakitaan ka sa panan-awon? Unsa man ang imong buhaton niini? _____

Pagpuyo Sulod sa Usa ka Semana

(Butangi ug check ang kahon sama niini kon imo na kining nahimo)

- Isag-ulo ang Proverbio 29:18
- Tambong sa gagmay'ng pundok o panagkatigom, kon may kahigayunan ipaambit ang imong nakat-onan.
- Ayaw kalimot sa pagsimba karong Dominggo.
- Pakiglambigit sa buluhaton sa Dios, bisan usa gikan niining duha buhata karong semanaha.
 - Involve in Children Ministry
 - Visit Sick borther/siter and offer prayer
- Tubaga ang seksyon sa **Mga Pangutana.**
- Basaha ang **Komentaryo.**
- Ampo sa Dios nga ikaw hatagn sa panan-awon, sa bisan unsa nga paagi

Komentaryo

Ang ikapulo maoy *financial* nga plano sa Dios aron sa pagprovide sa panginahanglan sa iglesia. Kini ginahimo na bisan sa wala pa ang Kasugoan, si Abraham nagahatag sa iyang ikapulo (Genesis14:20). Sa wala madugay ang ikapulo naapil sa Kasugoan ug kini gitudlo ni Moses ngadto sa katawhan sa Israel. Ang ikapulo miabot pinaagi sa pagtoo ni Abraham ug kini dili sumala lamang sa Kasugoan. Kita mga piniyalan lamang sa Dios, mas dali nato nga ikahatag ang ikapulo (ang bahin nga iya sa Dios), kon atong masabtan nga kita dili tag-iya ning kabtangan nga atong nabatonan kondili kita mga piniyalan lamang. Kining paghatag sa ikapulo nahimong *practice* sa mga Israelinhon ug hangtod pa sa kapanahunan ni Jesus ug bisan sa presenteng iglesia (I Corinthians 9:14), kay ang nagwali sa maayong balita takos usab nga magadawat gikan sa mga halad.

Busa pasidunggan ta ang Dios sa atong abot (Proverbs 3:9), kini dili lang kutob sa imong sweldo kondili sa tanang butang nga imong nabatonan sama sa abot sa humay, anak sa imong anay nga baboy, abot sa uma ug uban pa, aron may makaon diha sa balay sa Dios (Malachi 3:8, 10). Kay kita nasayod nga may igong balos sa mga tawong manggihatagon (Luke 6:38), kay ang panalangin nga

Kristohanong Pagkinabuhi

atong nadawat nag-agad lang pud ni sa butang nga atong gikahatag (II Corinthians 9:6-7).

Ang pagpangawat maoy butang nga makapaot-ot kanato labi na kon ang atong gikawatan mao ang Dios, kay kita gipanghimaraot sa tanang panghimaraot kay atong gikawatan ang Dios (Malachi 3:8-11). Usa sa napulo kasugo nagdumili kanato sa pagpangawat (Exodus 20:15, 17). Kini maoy gitawag nga *integridad sa financial nga bahin*, aduna usab laing bahin ang gitawag integridad mahitungod sa salapi, nga kon ang nangutang kanimo ang mas pobre pa kay kanimo nan ayaw patuboi ang maong salapi (Exodus 22:25), pahulam apan ayaw pagpatubo. Labot usab ayaw ug dawag ug suhol tungod sa pabor o mas nailhan nato sa tawag nga *under the table*, tungod kay kini maoy usa sa timaan sa tawo nga walay integridad (Isaiah 33:15-16). Hinaot masaligan kita sa kabtangan o sa salapi kay kon dili kita kasaligan sa mga butang nga kalibutanon unsaon man sa pagsalig kanato sa Dios sa mga butang langitnon (Luke 16:11-12). Busa pagmatinudanon sa tanang tawo ayaw gayod panikas (Romans 12:17).

Kon adunay mangayo tungod sa panginahanglan nan hatagi kon adunay manghuram ug ikaw aduna nan ayaw pagbalibari (Matthew 5:42), apan pagmatngon usab sa pagtabang.

Mga Pangutana Alang sa Lesson 11

1. Ayaw kawata ang buwis, ayaw panikas sa imong *declaration*, may pipila nga mosulti sa mas ubos nga kantidad aron gamay lamang ang ilang bayaran sa buwis apan dili kini husto (Romans 13:7-8), ug dugang pa ayaw pangutang ug bisan unsa kang bisan kinsa. Nganong dili man mangutang sumala sa (Prov. 22:7), unsa man diay mahitabo nato kon kita mangutang ? _____

2. Ayaw panikas, ayaw palabi sa pagpatubo sa imong paninda (I Corinthians 6:8, 10), usab bantayi ang imong timbangan nga kini dili tikasan, kay kini sama ra sa pagpangawat. Siya nga kawatan kinahanglan dili na mangawat kondili magtrabaho hinoon aron siya makakaon ug makahatag usab sa mga nanginahanglan (Ephesians 4:28). Kinahanglan gayod kita manrabaho, kay kon kita dili motrabaho unsa may mahitabo nato (II Thessalonians 3:10)?

3. Pagbantay baya kon may bahandi ka na. Pagmatngon kon daghan ka na ug kwarta kay basin mahigugma ka na sa salapi kini delikado. Unsa man ang naa sa paghigugma sa salapi sumala sa (I Timothy 6:7-10). _____

4. Ang Dios nagsaad ug madagayaon nga kinabuhi (Juan 10:10), ug bisan ang pagkamanggihatagon nagaimbita sa daghang

Kristohanong Pagkinabuhì

panalangin (Buhat 20:35). Sa imong paminaw nganong daghan man ang mga tawo nga maglisod sa paghatag? _____

Pagpuyo Sulod sa Usa ka Semana

(Butangi ug check ang kahon sama niini kon imo na kining nahimo)

- Isag-ulo ang Malaquias 3:10
- Tambong sa gagmay'ng pundok o panagkatigom, kon may kahigayunan ipaambit ang imong nakat-onan.
- Ayaw kalimot sa pagsimba karong Dominggo.
- Pakiglambigit sa buluhaton sa Dios, bisan usa gikan niining duha buhata karong semanaha.
 - Invite friends (church or cell)
 - Call a Friend or Church Visitor
- Tubaga ang seksyon sa **Mga Pangutana**.
- Basaha ang **Komentaryo**.
- Iamdám ang imong ikapulo ug halad ug dalha sa simbahan karong Dominggo.
- Pangutan-a ang imong pastor o mentor kon unsay iyang nadawat nga mga panalangin sukad siya nagsugod sa paghatag.

Komentaryo

Nag matag-usa kanato adunay ministeryo, ang ministeryo gikan kini sa pulong minister (ulipon). Buot ipasabot kita ulipon ni Cristo, Ang tanang butang gibuhat sa Dios nga may katuyuan, sama sa kahayag (Gen. 1:16), si Eba gihimo nga may katuyuan (Gen. 2:18-22) ug kita usab gibuhat sa Dios nga may katuyuan, kini mao ang pag-alagad. Ang pag-alagad daghan ug dagway, mahimong kini mao ang pagpanghugas sa plato hangtod sa pagwali diha sa pulpito, apan ang usa ka ministeryo nga buot nakong hisgutan niini nga topiko mao ang PAGESANGYAW.

Ang pagsangyaw maoy atong buluhaton diri sa kalibutan nga seguridad ko nga dili na nato mahimo sa langit, kay wala na man kita'y sangyawan didto (nalangit na gani sila). Malagmit ikaw moingon nga “dili ko kakaya ana”, “dili ko kabalo”, apan timan-i nga si Pablo miingon nga mahimo niya ang tanan pinaagi kang Cristo nga naghatag ug kusog (Filipos 4:13). Dili gikinahanglan nga ikaw puno sa daghang bersikulo, kay bisan ang imong kasinatian nga kauban ang Dios igo na. Dili kitang tanan gitawag aron mahimong magwawali, apan kitang tanan mga saksi. Unsa man ang atong pagsaksi? Isulti kon giunsa ka sa pagbag-o sa Dios, kon giunsa sa pag-usab sa tuyok sa imong kinabuhì sukad imo Siyang nakaplagnan.

Kristohanong Pagkinabuhi

Ang Great Commission (Mateo 28:19) nga gibilin ni Jesus kanato dili unta nato kalimtan. Manglakaw kita aron sa pagsangyaw sa Maayong Balita. Kay kita mao ang mangingisda sa Dios, apan dili isda ang atong dakpon kondili tawo (Mateo 4:19; Juan 5:10). Dili ta angay nga ikaulaw ang pagsangyaw sa Maayong Balita gumikan kay kini mao ang gahom sa Dios aron sa pagluwas sa katawhan (Roma 1:16). Dili ba kanindot sa pagbati kon imong makita ang imong suod nga higala nga kauban nimo sa pagsimba, ug kon ugaling dili sila motoo nan ayaw kabalaka kay imong gihinloan ang imong kaugalingon sa tanang obligasyon alang kaniya sama sa giingon ni Pablo (Buhat 18:6). Nganong maulaw man kita kon kita nagkupot sa ilang bugtong paglaom (1Timoteo 1:1). Handurawa nga ikaw naggunit sa usa ka tabletas nga maoy bugtong makaayo sa sakit nga COVID-19, ug ikaw lang ang bugtong susi aron sila mabuhi, dili ba mapasigarbohon ka sa imong kahimtang?

Ikaw ug ako ang naggunit sa paglaom (nga mao si Jesus) sa kalibutan aron sila makakaplag sa kaluwasan (Tito 2:13), unsa man ang imong kaulawan. Ayaw Siya ikaulaw basin baya kita usab Iyang ikaulaw (Marcos 8:38). “Ako AMBASSADOR ni Cristo nganong maulaw man ako” (2 Corinto 5:20), kini maoy atong ilitok sa atong kaugalingon. Ingon nga magtotoo ang atong katungdanan mao ang pagpasig-uli sa tawo ngadto sa Dios (2 Corinto 5:17).

Mga Pangutana Alang sa Lesson 12

1. Unsay mahitabo kanato human nga kita makadawat sa gahon sa Balaang Espiritu (Buhat 1:8)? _____

2. Basaha ang sumusunod nga mga bersikulo ug tubaga ang mga pangutana: Ezekiel 33:8-9; Ezekiel 3:18.
 - a. Kon DILI nato suginlan ang tawo sa iyang pagpakasala, unsay mahitabo kanato? _____

 - b. Kon atong suginlan ang tawo sa iyang pagpakasala ug dili siya maminaw, unsa man ang mahitabo kaniya? _____

3. Adunay upat ka sugyot si Rev. Dale A. Robgins sa basahon nga “Witnessing: A Matter of Life or Death”, *una*, pagpuyo sa matinud-anon nga diosnong kinabuhi, *ikaduha*, pagsag-ulo ug mga bersikulo sa Bibliya, ug pagbitbit kanunay ug basahon o imbitasyon alang sa inyong simba nga imong ikahatag kang bisan kinsa, *ikatulo*, pangayo sa giya sa Espiritu aron dalhon ka sa tawong nanginahanglan, *ikaupat*, kutob sa may kahigayunan ipaambit sa imong kasinatian sa Dios. Nganong kinahanglan man kitang magpuyo nga may pagkamatarong sumala sa 2 Corinto 3:2? _____

Kristohanong Pagkinabuhi

Mga Bresikulo nga angay timan-an: *Ang atong panginahanglan sa kaluwasan:* Roma 3:22-23; 1 Juan 1:8-10; Salmo 130:3. *Ang mahitabo kon kita walay Manluluwas:* Roma 6:23; Isaias 57:20-21; Juan 3:18, 36;8:24. *Ang saad sa Kaluwasan:* Juan 3:16; Roma 5:6-8; 10:9-10; 1 Pedro 2:24. *Ang atong pasaleg sa Kaluwasan:* Juan 3:36; 5:24; 1 Juan 5:11-13.

Pagpuyo Sulod sa Usa ka Semana

(Butangi ug check ang kahon sama niini kon imo na kining nahimo)

- Isag-ulo ang Buhat 1:8
- Tambong sa gagmay'ng pundok o panagkatigom, kon may kahigayunan ipaambit ang imong nakat-onan.
- Ayaw kalimot sa pagsimba karong Dominggo.
- Pakiglambigit sa buluhaton sa Dios, bisan usa gikan niining duha buhata karong semanaha.
 - Prayer and Fast (at least 1 meal)
 - Prayer Walking
- Tubaga ang seksyon sa **Mga Pangutana.**
- Basaha ang **Komentaryo.**
- Isugilon sa imong suod nga higala nga ikaw naluwas na.
- Pangayo ug mga tracts, imbitasyon, o bisan unsa nga basahon sa imong pastor o mentor unya ihatag kini sa labing minus 3 ka buok.

Appendix A


WHEEL OF PROPHECY WHO IS GOD?

God Is a Spirit

There Is But One God

JOHN 4:23, 24
ACTS 7:48, 49
ACTS 17:24-28
PSA 139:11, 12
I KINGS 8:27
JER. 23:21-27

DEUT. 6:4-9
MARK 12:28-34
MAL 2:10
ISA 44:6-8
ISA 45:2-6, 23
ISA 46:8, 9
I COR. 8:4-6
I TIM. 4:5, 6
JAMES 2:5
REV. 2:19
REV. 4:2, 3



Jesus Is God

ISA 7:14
ISA 9:6
MICAH 5:2
JOHN 1:1, 14
JOHN 1:10
JOHN 8:24, 58-59
JOHN 14:6-11
II COR. 5:19
I TIM. 3:16

Jesus Is Man

ISA 7:14
ISA 9:6
LUKE 1:31; 2:6-7
ACTS 17:31
GAL 4:4
PHILIP. 2:7-8
I TIM. 2:5
HEB 4:15
HEB 7:24-25

Compiled by C. P. KILGORE
TRACT #121
PENTECOSTAL PUBLISHING HOUSE
8555 DUNN ROAD
HAZELWOOD, MO. 63042